

Up/Ibroj: 06-18-32/15
Mostar, 02. 04. 2015. godine

Federalno ministarstvo energije, rudarstva i industriji na osnovu člana 200. Zakona o upravnom postupku ("Službene novine Federacije BiH", br. 2/98,36/98 i 48/99) u vezi sa članom 21. Zakona o geološkim istraživanjima Federacije Bosne i Hercegovine („Službene novine Federacije BiH“ br. 9/10 i 14/10) i člana 7. Zakona o privrednim društvima (Službene novine Federacije BiH br. 23/99; 45/00; 6/02; 29/03; 68/05; 91/07 i 47/10), rješavajući po zahtjevu privrednog društva „CTU - IPKIN“ d.o.o. Bijeljina, broj: 02-01/15 od 15.01.2015. godine, kojim se traži utvrđivanje uslova za obavljanje registrovane djelatnosti iz oblasti geologije na prostoru Federacije BiH, d o n o s i:

RJEŠENJE

1. Utvrđuje se da privredno društvo „CTU - IPKIN“ d.o.o. Bijeljina ispunjava uslove u smislu upisa u sudski registar, stručne osposobljenosti i tehničke opremljenosti za obavljanje registrovane djelatnosti iz oblasti geologije na prostoru Federacije Bosne i Hercegovine, za utvrđene razrede po Klasifikaciji djelatnosti Bosne i Hercegovine 2010 – KD BiH 2010, kako slijedi:

43.13. Ispitivanje terena za gradnju bušenjem i sondiranjem.

Ovaj razred uključuje:

- uzimanje uzoraka terena za građevinske, geofizičke, geološke ili slične namjene.

71.12. Inžinjerske djelatnosti i s njima povezano tehničko savjetovanje.

Ovaj razred uključuje:

- geofizička, geološka i seizmička istraživanja:
 - izradu, izvođenje, reviziju projektne dokumentacije i nadzor nad izvođenjem projektovanih istražnih radova;
 - površinsko mjerenje i posmatranje namjenjeno za pružanje informacija o površinskim i podzemnim strukturama tla i stijena i lokalizaciji podzemnih nalazišta nafte, zemnog gasa, mineralnih sirovina i podzemnih voda.

72.19. Ostalo istraživanje i eksperimentalni razvoj u prirodnim, tehničkim i tehnološkim naukama:

Ovaj razred uključuje:

- istraživanje i razvoj u prirodnim i tehničkim naukama - oblast geologije.

2. Privredno društvo „CTU - IPKIN“ d.o.o. Bijeljina u stalnom radnom odnosu ima zaposlena dva diplomirana inženjera geologije sa položenim stručnim ispitom, što je propisano članom 21. Zakona o geološkim istraživanjima Federacije BiH.
3. Rješenje će se poništiti ukoliko se privredno društvo „CTU - IPKIN“ d.o.o. Bijeljina ne bude pridržavalo odredbi člana 20., i 21. stav (1) i (2) Zakona o geološkim istraživanjima Federacije BiH.

4. Za nepridržavanje odredbi propisanih Zakonom o geološkim istraživanjima Federacije BiH primjenjivat će se kaznene odredbe iz člana 77., 78., i 79. Zakona o geološkim istraživanjima F BiH.
5. Danom pravosnažnosti ovog Rješenja prestaje važnost svih stečenih prava izrečenih u Rješenju Up/I broj: 06-18-31/07 od 13.02.2007. godine, koje je ovo Ministarstvo izdalo privrednom društvu „CTU - IPKIN” d.o.o. Bijeljina.

O b r a z l o ž e n j e

Privredno društvo „CTU - IPKIN” d.o.o. Bijeljina, dostavilo je u Federalno ministarstvo energije, rudarstva i industrije zahtjev broj: 02-01/15 od 15.01.2015. godine, zaprimljeno u ovo Ministarstvo pod brojem Up/I broj: 06-18-32/15 od 21.01.2015. godine, kojim se traži izdavanje rješenja o ispunjavanju uslova za obavljanje registrovane djelatnosti iz oblasti geologije na prostoru Federacije BiH u skladu sa članom 21. Zakona o geološkim istraživanjima Federacije BiH i utvrđenim razredima po Klasifikaciji djelatnosti Bosne i Hercegovine 2010 – KD BiH 2010.

U postupku rješavanja dostavljenog zahtjeva Federalno ministarstvo energije, rudarstva i industrije utvrdilo je slijedeće činjenice:

- nakon provedenog upravnog postupka ovo Ministarstvo je u skladu sa čl. 19. i 20. Zakona o geološkim istraživanjima (“Službeni list R BiH”, br. 3/93 i 13/94) izdalo privrednom društvu „CTU - IPKIN” d.o.o. Bijeljina Rješenje Up/I broj: 06-18-31/07 od 13.02.2007. godine, kojim se utvrđuje da privredno društvo ispunjava uslove u smislu upisa u sudski registar, stručne osposobljenosti i tehničke opremljenosti za obavljanje registrovanih djelatnosti u oblasti geologije po razredima navedenim u tački 1. Rješenja;
- članom 20. i 21. Zakona o geološkim istraživanjima Federacije Bosne i Hercegovine, koji je stupio na snagu dana 26.02.2010. godine, propisani su uslovi pod kojima se stručna lica mogu baviti izradom i revizijom geološke dokumentacije i rukovođenjem istražnim geološkim radovima kao i uslovi pod kojima se privredno društvo ili javna ustanova može baviti izvođenjem geoloških istražnih radova;
- članom 84. Zakona o geološkim istraživanjima Federacije Bosne i Hercegovine propisano je da su privredna društva ili javne ustanove registrovane za geološka istraživanja, projektovanje, izvođenje istraživanja i revizije projektne dokumentacije dužne da usaglase registraciju sa odredbama ovog zakona u roku od 12 mjeseci od dana stupanja na snagu zakona;
- Federalno ministarstvo energije, rudarstva i industrije uputilo je Federalnoj upravi za inspekcijske poslove dopis broj: 06-18-1023/13 od 10.04.2013. godine kojim se traži da se na osnovu člana 42. i 67. Zakona o inspekcijama u Federaciji Bosne i Hercegovine, a u skladu sa nadležnostima i planovima, izvrši inspekcijski pregled privrednih društava ili javnih ustanova, koja posjeduju rješenje ovog Ministarstva o bavljenju registrovane djelatnosti iz oblasti geoloških istraživanja prije stupanja na snagu Zakona o geološkim istraživanjima u Federaciji BiH, u smislu utvrđivanja usklađenosti registracije i ispunjavanju uslova propisanih Zakonom;
- Federalna uprava za inspekcijske poslove izvršila je pregled privrednog društva „CTU - IPKIN” d.o.o. Bijeljina i dostavila u ovo Ministarstvo Zapisnik o inspekcijskom nadzoru broj: UP1-16-18-00057/2013-1610-P- od 26.09.2013. godine;
- u Zapisniku je navedeno činjenično stanje utvrđeno prilikom pregleda privrednog društva, koje dokazuju da privredno društvo ispunjava uslove iz člana 20. i 21. Zakona o geološkim istraživanjima Federacije BiH;

- Federalno ministarstvo energije, rudarstva i industrije uputilo je privrednom društvu „CTU - IPKIN” d.o.o. Bijeljina dopis broj: 06-18-3232-11/14 od 25.12.2014. godine u kojem se traži dostavljanje zahtjeva za usaglašavanje rješenja u skladu sa Zakonom o geološkim istraživanjima Federacije BiH i Klasifikacijom djelatnosti Bosne i Hercegovine 2010 – KD BiH od 2010. godine;
- privredno društvo „CTU - IPKIN” d.o.o. Bijeljina dostavilo je u ovo Ministarstvo zahtjev broj: 02-01/15 od 15.01.2015. godine sa traženom dokumentacijom, na osnovu čega je ovo Ministarstvo pokrenulo upravni postupak za donošenje ovog Rješenja.

Na osnovu ovako utvrđenog činjeničnog stanja o ispunjavanju uslova iz odredbi člana 20. 21. i 84. Zakona o geološkim istraživanjima Federacije BiH, Federalno ministarstvo energije, rudarstva i industrije riješilo je kao u dispozitivu ovog rješenja.

Ovo rješenje je konačno u upravnom postupku i protiv njega nije dozvoljena žalba, ali se može pokrenuti upravni spor podnošenjem tužbe Kantonalnom sudu u Mostaru u roku od 30 dana od dana prijema.

Tužba se dostavlja neposredno ili se šalje poštom, kod nadležnog suda ili ma kog redovnog suda. Uz tužbu se prilaže i ovo Rješenje u prijepisu ili kopiji.

Na osnovu Zakona o federalnim upravnim taksama i Tarifni federalnih upravnih taksi (“Službene novine Federacije BiH”, br: 6/98, 8/00, 45/10 i 43/13) naplaćena je federalna upravna taksa za podnesak i opomenu u iznosu od 10 KM, po tarifnom broju 19. tačka 3. taksa na rješenje u iznosu od 87,00 KM preko računa javnih prihoda proračuna Federacije BiH, a dokazi o uplati nalaze se u spisu predmeta.



Ministar

Reuf Bajrović

Dostavljeno:

- „CTU - IPKIN” d.o.o. Bijeljina
ul. Vidovdanska br. 48, Bijeljina
- Federalna uprava za inspekcijske poslove - Tehnička inspekcija
Federalni rudarski inspektor za geološka istraživanja
ul. Fehima ef. Čurčića 6, Sarajevo
- 06
- a/a